

Rapido weekend 2015



Rapido's got *talent*.

Det waar 't motto veur 't Rapido-wiekend in *Westfeld*.

Ik dach iers aan 'ne nije TV-kwis, maar Rapido ging efkes op de Ingelse toer. Waar gaar neet nuuedig, want gen inkel talent dae zien kunste haet laote zien had d'r wäörd beej nuuedig.

De *1e priés winnaers* kreges daorum 'n origineel kedo.

Idder 'n fles wien en de groep 'n goocheldoeës wao ze 2 oor later mei op mochte traeje.

Knap gedaon want Hans Kazan haet beslis langer geoeffend.

Theo goof zelf alvesses 't veurbeeld met zien *zingende zaag*.

Die waar zónder wäörd dudelik te hure.

Beej de goocheltrucs van de winnaers meus se waal good op de hand lette.

Lökde de truc neet good dan zörgde de wulpse assistentes veur afleiding.

De bejaardeveurdrach waar door de strenge zuster met eur fluitje al dudelik genóg.

Zoeë kins se zónder wäörd toch vuuel dudelik make.

Beej de *joekskepel* ware diverse talenten neet aanwezig, ierlik is ierlik det waar waal te hure.

Noow mótt gezag det de helf van de



joekskepel achter 'ne glaze wand stónd.

Die kwame netuurlik gaar neet tot eur rech en 'n halve joekskepel is maar half werk.

Diverse stamlokal-gäste hadde beej binnekóms wat foto's gemak van de kepel. Ik weit neet of die nao 't speule nog op face-book zien gezatte.

Hotel Bischof is 'n ech femielie-hotel, zelfs de jóngste zoon kwaam geregeld vraoge; Noch wass trinke!

De Gästezimmer ware prima in orde en 't aete good verzörg.

Wae daoreuver waat te näöle haet is 'n echte näölvot.

Wie altiéd op zaoterdaagmorge vertrokke we nao 't frühstück, verdeild in 6 groepkes, veur 'n oriëntatietoch van 11 km.

Umdet 't *closetpepeer* toevallig in de aanbieding waar beej de LIDL hadde de Brüder spelletjes in die richting bedach.

Waat kins se met closetpepeer allemaol doon ?

Rolle, höffe, stapele, dien v.....t afvaege en got wet waat d'r nog te fispernölle velt met cl..pepeer.

Veur de variatie meuste we op belónne scheete met *pepere pielkes* met 'n extra puntje aan.

Dao hadde ze beej de *WAA* 'ne daag veur euvergewerk um die pielkes te make.

As se diek 28 jaor op wiekend geis zien alle spelletjes al ens gespeuld.

Behalve *kiene met zelf gemakde kaarte*, det hadde we nog neet gedaon.

Dus in de lunchpauze woorte de kienkaarte óetgedeild en waar Hay de spelleider. De nummerkes zoote hiel professioneel in 'n ald washendje.

Hads se 1 rieke vol kreegs se 'n reepke *sjoklaad*, beej 2 volle riekkes kreegs se 'n tablet sjoklaad en as de ganse kaart vol waar kreegs se de lunch betaald.

Op 'n gegaeve moment stónd idderein scherp op nr. 35.....jao dan wets se 't waal.

Theo had per óngelök nr. *35* in de voering van de jas laote zitte.....wie verzins se 't.

Fraaie organisatie, die gewoeën 40 man op scherp luuet zitte en zelf de sjoklaad opbik.



We kregen als compensatie 'n pepeerke met foto's in de hand gedouwd wao allerhande snorre op stónde, wao 'n stökske gezich aan vas zoot.

Welke **snor** zoot beej welk lid ónder de neus de afgeloupe 25 jaor.

Alzelaeve zit d'r ein foto tösse die 'n discussie op gangk bringk.

Tja, de mós ónderwaeg toch örges euver kinne lammentere.

Snorre zien noow gans óet maar beej sommige männer huurt 't gewoeën beej eur IMAGE, halde zoeë.



Tössedor kregen we 'n wiskundige opdrach mei um ónder 't wandele de raekentalente te teste.

We meuste **100** stöks vieë koupe veur € 100,00.

In elke groep hebbe zich 'n paar minse de ganse truukwaeg suf geraekend um 't antwoord te vinde.

Neet alles kins se op de APPLE of SAMSUNG vinde.....of waal?

Euver talente gespraake; **De Golden Girls** hadde 'n actueel ónderwerp óetgezóch. Maar good det ze beej Terre des Hommes en kringloupwinkel Blierick nog alde nachhaemde beware veur de leefhebbers.

Stel dich veur det we euver 10-15 jaor door zón **linke zuster** op fluitsignaal verzörg mótte waere.

'T zoel zoeëmaar kinne.

Dan kins se baeter met zón 20 minse 'n moeie boerderie koupe.

'N paar verpleegsters met hert veur eur vak in deens neme.


En 'ne **Kok** en **Hóesdokter** op aafroop zeuke.

Want taeg daen tied is d'r gen vieë mier,

det wuurt in 't Sauerland taeg dumpprieze verkoch.

Want as de kiepe maar € 0,25 koste, de koeie € 1,00 en 'n paerd € 50,00, dan hils se toch niks euver !!

Gelökkig ware de verkes te deur, dus det verkeshaeske of korteletje hebbe we nog achter de hand.



Frans, Hay en Theo, volges de óetnuuediging ziet geej te boeke veur al ós schilder-poets- en boenwerk, det halde we in gedachte. Veur now *bedank* veur de organisatie en tot weer.

*Elly van
Elswijk*

